

I - ARABAKO BILTZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

OGASUN, FINANTZA ETA AURREKONTU SAILA

Ogasun, Finantza eta Aurrekontu Saileko foru diputatuaren 732/2014 Foru Agindua, azaroaren 21ekoa, onartzen duena 410 eredia, Kreditu Erakundeetako Gordailuen Gaineko Zergaren konturako ordainketarena, eta ezartzen dituena hura aurkezteko baldintzak eta prozedura

Abenduaren 27ko 16/2012 Legeak, finantza publikoak kontsolidatzeko eta ekonomia jarduera bultzatzeko tributuen arloko hainbat neurri onartzen dituenak, kreditu erakundeetako gordailuen gaineko zerga sartu zuen Espainiako zerga sisteman, baina xedatu zuen 2013ko zergaldian karga tasa ehuneko 0 izango zela.

Ondoren, uztailaren 4ko 8/2014 Errege Lege Dekretuak, hazkuntza, lehiakortasuna eta efizientzia sustatzeko urgentziazko neurriak onartzen dituenak, kreditu erakundeetako gordailuen gaineko zergari ehuneko 0,03ko karga tasa ezarri zion, 2014ko urtarrilaren 1etik aurrerako ondorioekin, eta erreforma eta hobekuntza teknikoak egin zizkion 16/2012 Legeak ezarritako arauketari.

Ekonomia Itunaren Batzorde Mistoak ekonomia ituna aldatzea erabaki zuen, besteak beste, kreditu erakundeetako gordailuen gaineko zerga ituntzeko. Gero, apirilaren 21eko 7/2014 Legeak ekonomia itunaren aldaketa onartu zuen.

Ituntze hori, halaber, Arabako Biltzar Nagusiek berretsi dute, otsailaren 26ko 4/2014 Foru Araua, Ekonomia Itunaren Batzorde Mistoaren lehenengo erabakia berrestekoa, dela medio.

Ekonomia Itunaren 23 ter artikulua arabera, kreditu erakundeetako gordailuen gaineko zerga itundutako tributu bat da eta Estatuak unean-unean ezartzen dituen arau substantibo eta formalen bidez arautuko da. Lurralde historikoetako erakunde eskudunek zerga horren karga tasak ezarri ahal izango dituzte, lurralde erkidean indarrean dauden muga eta baldintzen barruan.

Horrez gain, lurralde historikoetako erakunde eskudunek aitortpena eta diru sarrerak egiteko ereduak onar ditzakete, zeinetan, gutxienez, lurralde erkideetan jasotako datu berdinak agertuko diren; horrez gain, eskumena dute likidazioaldi bakoitzeko diru sarrera epeak finkatzeko, baina horiek ezin dira oso desberdinak izan Estatuaren administrazioak finkatutakoen aldean.

Eskumen hori erabiliz, Foru Aldundiak uztailaren 15eko 2/2014 Zerga Premiazko Araugintzako Dekretua onartu zuen, arautzen duena kreditu erakundeetako gordailuen gaineko zerga, Arabako Biltzar Nagusiek uztailaren 28ko 31/2014 Foru Arauaren bidez baliozkotua.

Arauketa horrek 2013ko urtarrilaren 1etik ditu ondorioak, eta 2014ko zergalditik aurrera zergadunak autolikidazioa aurkeztera behartzen ditu, bai eta ekitaldi bakoitzeko uztailen zergaren konturako ordainketa egitera ere, uneko zergaldiari dagokiona. Dena den, epe berezi bat ezarri zen 2014ko zergaldiko konturako ordainketa egiteko, abenduan egingo baita.

Aurrekoaren arabera, kreditu erakundeetako gordailuen gaineko zergaren konturako ordainketaren autolikidazioaren eredia onartu behar da, eta hura aurkezteko baldintzak eta prozedura ezarri.

Zerga Araudiaren Zerbitzuak horri buruz emandako txostena aztertu da.

Horregatik, dagozkidan ahalmenak erabiliz, honako hau

XEDATZEN DUT

1. artikulua. Onartzea 410 eredia

Onartu egiten da 410 eredia, "Kreditu erakundeetako gordailuen zergaren konturako ordainketa. Autolikidazioa", zein agindu honen eranskinean baitago.

2. artikulua. 410 eredia aurkeztera behartuak

410 eredia aurkeztera behartuta daude kreditu erakundeetako gordailuen gaineko zergaren zergadunak, uztailaren 15eko 2/2014 Zerga Premiazko Araugintzako Dekretuak, kreditu erakundeetako gordailuen gaineko zerga arautzen duenak, 7. artikuluan xedatutakoarekin bat etorritik, ez bada behintzat dekretu horren 5. artikuluan ezarritakoaren arabera salbuetsita daudela.

3. artikulua. 410 eredia aurkezteko epea

1. 410 eredia aurkezteko epea uneko zergaldiko uztailaren 1etik 31ra artekoa (egun horiek barne) izango da.

2. 410 ereduaren ondoriozko zerga zorra bankuan helbideratuta ordaindu nahi izanez gero, eredia uneko zergaldiko uztailaren 1a eta 25a bitartean (egun horiek barne) aurkeztu behar da.

4. artikulua. 410 eredia aurkezteko modua

410 eredia, "Kreditu erakundeetako gordailuen zergaren konturako ordainketa. Autolikidazioa", bakar-bakarrik telematikoki aurkeztuko da.

XEDAPEN IRAGANKORRAK

Lehenengoa. 2014ko ekitaldiari dagokion 410 eredia aurkezteko epea; eta aurkezpen epea, autolikidazioaren ondoriozko zerga zorra bankuan helbideratuta ordaindu nahi izanez gero.

1. 2014ko zergaldiari dagokion kreditu erakundeetako gordailuen gaineko zergaren konturako ordainketaren autolikidazioa 2014ko abenduaren 1etik 31ra (egun horiek barne) aurkeztuko da.

2. 2014ko zergaldiari dagokion "Kreditu erakundeetako gordailuen zergaren konturako ordainketa. Autolikidazioa" 410 ereduaren ondoriozko zerga zorra bankuan helbideratuta ordaindu nahi izanez gero, eredia abenduaren 1a eta 25a bitartean (egun horiek barne) aurkeztu behar da.

Bigarrena. Foru agindu honen 4. artikuluan xedatutakoa gorabehera, salbuespenez, 410 eredia paperean aurkeztuko da, harik eta telematikoki aurkezteko prest egon arte.


Vitoria-Gasteiz, 2014ko azaroaren 21a

Ogasun, Finantza eta Aurrekontu Saileko foru diputatua

AITOR URIBESALGO LORENZO

Ogasun Zuzendaria

JUAN IGNACIO MARTÍNEZ ALONSO

 <p>Arabako Foru Aldundia Diputación Foral de Álava www.alava.net</p>	<p>Kreditu erakundeetako gordailuen gaineko zergaren konturako ordainketa AUTOLIKIDAZIOA</p> <p>Pago a cuenta del Impuesto sobre los Depósitos en las Entidades de Crédito AUTOLIQUIDACIÓN</p>	<h1>410</h1>
Ogasun, Finantza eta Aurrekontu Saila		Departamento de Hacienda, Finanzas y Presupuestos
1 IDENTIFIKAZIOA IDENTIFICACIÓN	<p>1 Identifikazio txartela jartzeko lekua Espacio reservado para la etiqueta identificativa</p>	<p>2 SORTZAPENA ■ DEVENGO</p> <p>Zergaldia ■ Período Impositivo <input type="text"/></p> <p>IFZ ■ NIF <input type="text"/> DEITURAK ETA IZENA / SOZIETATEAREN IZENA ■ APELLIDOS Y NOMBRE O RAZÓN SOCIAL <input type="text"/></p>
3 LIKIDAZIOA LIQUIDACIÓN	<p>Aurreko zergaldiko zerga oinarria ■ Base imponible del periodo impositivo anterior (*) <input type="text"/> 01 <input type="text"/></p> <p>Karga tasa ■ Tipo de gravamen <input type="text"/> 02 <input type="text"/></p> <p>Ehunekoak ■ Porcentaje <input type="text"/> 03 <input type="text"/> %</p> <p>Konturako ordainketaren zenbatekoa ■ Importe del pago a cuenta <input type="text"/> 04 <input type="text"/></p> <p>Aurreko aitorenaren emaitza (ordezko autoliquidazioa eginez gero) ■ Resultado de la declaración anterior(exclusivamente en caso de autoliquidación sustitutiva) <input type="text"/> 07 <input type="text"/></p> <p>Luzapen erreargua ■ Recargo de prórroga <input type="text"/> 08 <input type="text"/></p> <p>Berandutze korrituak ■ Intereses de demora <input type="text"/> 09 <input type="text"/></p> <p>Ordaindu beharreko zenbatekoa ■ Importe a ingresar <input type="text"/> 10 <input type="text"/></p>	
4 ORDEZKO AUTOLIKIDAZIOA AUTOLIQUIDACIÓN SUSTITUTIVA	<p>4 Autoliquidazio hau bada kontzeptu, ekitaldi eta aldi beraren aurreko ORDEZKO autoliquidazio batena, adierazi lauki honetan "X" jarriz.</p> <p style="text-align: center;"> <input type="text"/> 901 <input type="text"/> ORDEZKO autoliquidazioa ■ Autoliquidación SUSTITUTIVA <input type="text"/> 1 <input type="text"/> </p> <p>ORDEZKO autoliquidazioa bada, idatzi hemen aurreko autoliquidazioaren aurkezpenaren erregistro zenbakia</p> <p style="text-align: center;">Aurkezpenaren erregistro zenbakia ■ N° registro de presentación <input type="text"/></p> <p><small>Si esta autoliquidación es SUSTITUTIVA de otra autoliquidación anterior correspondiente al mismo concepto, ejercicio y período, indíquelo marcando con una "X" esta casilla:</small></p> <p><small>En caso de autoliquidación SUSTITUTIVA, consigne a continuación el número registro de presentación de la autoliquidación anterior:</small></p>	
5 SARRERA FROGAGIRIA JUSTIFICANTE DE INGRESO	<p style="text-align: center;">ORDAIN GUTUNA ■ CARTA DE PAGO</p> <p>Zigilua eta sinadura ■ Sello y firma <input type="text"/> Erakundearen gakoa (IBAN kodea) ■ Clave entidad (Código IBAN) <input type="text"/> Data ■ Fecha <input type="text"/> Zenbatekoa ■ Importe <input type="text"/></p>	
<p><small>(*) Egoitza nagusian zein Arabako Lurralde Historikoan dauden sukurtsaletan merkaturatze sistema presentzialen bidez mantenduriko hirugarrenen funts gisa zenbatu behar dira; baita merkaturatze sistema ez-presentzialen bidez mantendurikoei dagokien zati gisa ere.</small></p> <p><small>Deberán computarse tanto los fondos de terceros mantenidos mediante sistemas de comercialización presenciales en la sede central o sucursales situadas en el Territorio Histórico de Álava, como la parte correspondiente de los mantenidos mediante sistemas de comercialización no presenciales.</small></p>		

RE. 14/71